



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

De officijs, & Anniuersarijs defunctorum.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

potere Provinciales Episcopos omnes de Episcopi morte faciat certiores, qui in Ecclesijs Cathedralibus Missam solemnem ceremoniam pro eius anima celebrandam curabunt: & publicis supplicationibus, ac precibus indictis, Deum pie, sancteque deprecabuntur, ut orato regi Pastorem dare velit iuxta consuetudinem.

5.6 In exequijs eius plures viginti quatuor cereis non accendantur, idque impensa vacantis Ecclesie, nisi extent defuncti bona; vel alius sit, qui de iure, aut consuetudine sumptum facere debeat.

7.8 Episcopi negligentia in Comprovincialis Episcopi funere à Synodo Provinciali; Canonicorum, & Clerici, à successore Episcopo graviter puniatur.

9 Sicut Episcopus, dum in vita est, sanctae pastoralis sollicitudinis studio debet salutem animarum invigilare, ita illud cum omni ratione coniunctum est, ut, post eius obitum ecclesiastici ordinis homines, & laici item, quorum cura, gubernationique Pastoralis praesuit, grata, piaque memoria episcopales vigilias, ac labores, quibus ille in eo munere gerendo perfunctus est, prosequantur, pro illius anima in primis Deum religiosè precantes.

4. De fun. & exeq.

Quamobrem praeter ea, quae de Episcoporum exequijs primo Concilio Provinciali sancita sunt, hoc etiam decernimus, ut Parochi, & Sacerdotes singuli, tum urbani, tum Diocesani, ubi primum de obitu Episcopi sui nuntiatum est, novem singulis post eum nuntium diebus quibus per Ecclesiastici officij ritum potest, Missam de mortuis pro illius anima celebrent: aut saltem statim pro defuncto Episcopo orationem dicant, ut in aeterna recipiatur tabernacula.

10 Capituli verò sit, de Episcopi obitu, Diocesanos Parochos certiores quam primum facere, eosdemque huius officij monere.

11 Populus itidem pro paterna sollicitudinis, charitatisque officijs, quae ille vivus pro omnium salute praestitit, hoc communi parenti mortuo reddat, ut religiosis precibus, aliisque pijs suffragijs illius animam adiuvet. Ad quam sanè rem suum quisque populum Parochus, cum usu venit, ijs praesertim novem diebus hortetur accuratè, ac diligenter.

12 Sacra anniversaria pro mortuo Episcopo quotannis fiant in Cathedrali Ecclesia; quamdiu proximus eius successor in Episcopatu viverit, viventis Episcopi, & Capituli sumptibus.

1. de fun. Episcopi.

De Officijs, & Anniversariis defunctorum.

S V M M A R I V M.

- Officia mortuorum infra hebdomadam obeunda, à Parocho Dominica die præcedente, denuncianda. De Parochys. Sc. nu. 45.
 Anniversaria, & officia, quæ in Ecclesia denuncianda. Ibid.
 1. Quibus diebus non agenda.
 Iis agendis, qui, & quot adhibendi. De Funerib. nu. 4.
 2. Ea, pietatis ratione, à Parocho suadenda.
 Eorundem causa nemini pacisci liceat. Ibid. 37.
 Anniversariorum, & Missarum tabella in Sacristia retinenda. De Sacristia. nu. 25.
 Anniversaria exequia pro mortuo Episcopo, quando, quamdiu, & cuius sumptibus facienda. De funere Episcopi. 12.
 3. Pro Parocho mortuo, à quo, & quo die item celebranda.
 Cænotaphij nomine nihil capiendum. De funerib. 51.

6. Quæ ad funera pert.



E die Dominico, & festo, qui Ecclesie præcepto, consuetudine, votouè colatur, anniversaria agantur: quæ si certo aliquo festo, is qui decessit pro se agi præscripserit, alio proximè præcedenti die, cum pro officij ratione licet, celebrentur.

1. De fun. & exeq.

2. Caveant autem Parochi, & alij Ecclesiarum Rectores, ne, quod pietate adducti suadere debent mortuorum heredibus, ut anniversaria officia illorum causa celebranda curent, id cupiditate impulsæ, molestius flagitent: quæ in re si peccarint, Episcopi arbitrio puniantur.

6. Quæ ad funera pert.

3. Parochus, illius, qui proximè præcessit Parochi anniversaria statò die, quo ille obiit, celebratione Missæ Parochialis agat; sin autem pro festi, solemnisque diei ratione tunc non licet; alio die proximè antecedente, quo licebit, pro illius animæ salute, piè, religiosèque celebratur.

De Supellectile, quæ officiorum funeralium, & anniversariorum propria est, cum eiusdem formis.